

He Ngohe Aromatawai ā-Roto

Mō ngā mahi whakamahere anake

Te Ingoa o te Ngohe: Te Whare Pora

Aronga: Toi Ataata 1.2C

Paerewa Paetae: Toi Ataata 1.2

Kaupae: 1

Whiwhinga: 6

He Tohutohu mā te Ākonga

I tēnei ngohe

I tēnei ngohe, ka tūhura, ka whai koe i ngā tukanga motuhake o Te Whare Pora hei waihanga i tētahi mahinga toi motuhake.

Te horopaki

Ko tāu nā mahi he tūhura i ngā tukanga motuhake o Te Whare Pora hei waihanga i tētahi mahinga toi.

Māu anō tētahi tikanga toi o Te Whare Pora e kōwhiri, e rangahau hei tūāpapa mō tāu ake mahi. Kātahi ka waihanga koe i tētahi mahinga toi motuhake.

Ka aromatawaingia tāu whakaatu māramatanga ki ngā tukanga motuhake o taua tikanga toi e tika ana kia oti ai ngā mahi.

Hei mahi

Mā te kaiako koutou e ārahi ki te wānanga i ngā tikanga toi o Te Whare Pora, arā, ngā mahi tāniko/raranga/whatu/tukutuku, tae atu ki ngā tukanga motuhake o ia tikanga toi. Ko ngā tukanga motuhake, ko ngā tukanga tawhito, tae noa mai ki ngā tukanga o te ao hou mō taua momo toi.

Kōwhiria tētahi tikanga toi o Te Whare Pora hei mahi māu. Whakaritea mai tētahi rautaki kia oti ai ngā mahi, arā, ngā tuhinga hoahoa/hukihuki, ngā whakarākei/whakairo, ngā rauemi/rawa, tae atu ki ngā tukanga ka whāia. Mā te kaiako ngā kōrero/mahi e ārahi kia tutuki pai ai ngā mahi.

Whakaritea mai tāu nā mahinga toi, me tētahi hautaka/kōpaki toi mō tāu i mahi ai. Kia tika te tāuru i ngā kōrero/tānga hukihuki/whakaahua katoa mō tāu i mahi ai.

Kōrero Āpiti

tukanga toi	Ko ngā tukanga ngā hātepe ka whāia kia tutuki ai tētahi whāinga. Hei tēnei ngohe, ko ngā tukanga katoa tērā e hāngai ana ki tētahi tikanga o Te Whare Pora.
-------------	--